

Carnaval 41

CU POPO Y SKRIPI!

SAN NICOLAS UNIE A BAY CU REINA INFANTIL DI CARNAVAL 2001

Tremendo presentacion di Channelle Fortin

Diabierna anochi a tuma lugar e eleccion di Reina Infantil den Don Elias Mansur Ballpark. Un anochi caminda tur e reinanan ariba nan mes tabata un berdadero princesita. Cu nan shownan espectacular nan a sa di emocioná tur presente. E competencia tabata hopi fuerte ya cu tur e candidatanan pa e edad chiquito cu nan tin a duna un bunita presentacion. Reinanan un pabien na boso tur cu boso bunita presentacion. Boso tur merece un premio, pero lastima ta un so por sali.

For di comienzo por bisa cu e candidata di San Nicolas Unie a acapara tur hende cu su esplendoroso presentacion di pauwies. Den su presentacion oficial el a sa di resalta hopi mas y a haci un influencia grandi ariba e huradonan cu a pone cu el a logra e premio maximo y a worde eligi como Reina Infantil di Carnaval 2001. Un pabien na Channelle y tambe na San Nicolas Unie cu nan premio bon mereci.

